



Inatsisartuni ilaasortaq, Stine Egede, Inuit Ataqtigiit
/Maani

Meeqqanut snescooterit pillugit § 37 naapertorlugu apeqquteqaammut 2019-367-imut akissut

09-01-2020
Sags nr.: 2019 - 27187
Id nr. 48621264

Asasara Stine Egede,

Inatsisartut suleriaasianni § 37 naapertorlugu meeqqanut snescooterit pillugit Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. Meeqqat snescooterersinnaatitaanerisa ukiutigut appaavigineqarnissaannut Naalakkersuisut isumaqataappat, tassa inuusuttuaqqat sulii 18-iliineqanngitsut snescooterersinnaalersillugit?

Akissut: Snescooterinut maleruagassat nutarterneqarnissaat Naalakkersuisut sulissutigaa, suliamilu tassani aamma meeqqanut snescooterit eqqarsaatigineqassapput. Inatsimmik nutarterinermi nunatsinni sumiiffinni assigiinngitsuni innuttaasut pisariaqartitaasa, tamatumalu peqatigisaanik aamma isumannaallisaanerup eqqarsaatigineqarnissaa pingaaruteqarpoq.

Naalakkersuisut maannarpiaq meeqqanut snescooterit atorneqarnissaannut ukiunut killissarititaasunik allanguisinnaaneq isummerfigisimangilaat, tamanna pissappat sukumiinerusumik misissuisoqqaartariaqarmat.

2. Meeqqanut snescooterit atorneqarneranni aqqusinikkut angallannermi isumannaatsuunissaq, ajutoornerit il.il eqqarsaatigalugit misilittakkat qanoq ippat?

Akissut: Naalakkersuisut meeqqanut snescooterit qanoq annertutigisumik atorneqarnerisut, imaluunniit Kalaallit Nunaanni atuisoqarpiarnersoq ilisimangilaat. Taamaattumik Naalakkersuisut aamma meeqqanut snescooterit pillugit angallannermi isumannaallisaanermut ajutoortoqartarneranulluunniit tunngasunik misilittagaqanngillat.

3. Pisami matumani paasissutissanik allanik attuumassuteqarsinnaasunik Naalakkersuisut paasissutissiisnaappat?

Akissut: Angallannermut maleruagassat naalagaaffimmi oqartussaasut ataanni inissisimapput. Ilisimatitsissutigisinnaavara 2019-imi decembarimi Angallannermut Ministeri Benny Engelbrecht ataatsimeeqatigakku. Tassani ilaatigut angallannermi ajornartorsiutit oqallisigaavut. Piaartumik angallannerup iluani, taakkunungaluu

ilanggullugu qamuterallannut qamutinullu assakaasulinnut ATV-nut maleruagassanik
nutarterinissaq Naalakkersuisut pingaartippaat.

Inussiarnersumik inuulluaqqusillunga



Karl Frederik Danielsen